

AB

49.8
49.16

O/O No.
0076

III E 1364



36:36



EPITHALAMION
DE CONIVGIO ILLVSTRISSIMI

PRINCIPIS IOHANNIS ALBERTI

Ducis Megalopolitani &c. Et Illustris

simæ Dominae Annæ Sophiæ filiae

inclyti Principis Alberti Mar

chionis in Brandenburg

& Ducis Borus

fiæ &c.

Scriptum a Iosia Menio

Dantiscano.

VVITEBERGÆ.

ANNO,

M D L I.



EPITHALAMION DE CONIVGIO

Illustrissimi Principis Iohannis Alberti Ducis
Megalopolitani &c. Et illustrissimæ Do
minæ Annæ Sophiæ filiaë inclyti
Principis Alberti Marchio
nis in Brandenburg &
Ducis Borus
siæ &c.

Baltica Saxonicos tangunt ubi littora Campos
Est sita Parrhasio terra propinqua polo:
Albis ab occasu, sed flumen Suevus ab ortu
Prono spumosas amne fatigat aquas:
Dicta peregrino *μεγάλου* de nomine *πύργου*
Argolicum magna nomen ab arce tenet.
Si qua uetusta suæ commendat gentis origo
Illustri magnos nobilitate Viros:
Egregium deerit ueterum non nomen auorum
Illius Ducibus gloria nulla soli.
Nam quæ de ualido clypei sub imagine Tauro
Aurea cum torua cornua fronte gerunt,
Sunt ea quæ sæuo præstantes Marte Quirites
Fortiter & Latios edomuere Duces.
Cimbrica nubiferas ubi gens transgressa per Alpes
Picta tulit signis ora bouina suis.
Hinc & Ioannes longis Albertus ab annis
Enumerat stirpis secula multa suæ.

A ij Priscacq



AB 49

$\frac{8}{2,16}$

Priscaq; laudatæ repetens exordia gentis
Se genus à Cimbris ducere gaudet auis.
Qua tenet imperij commissas Rector habenas
Ac sacra concordi sceptrâ quiete gerit
Ciuibus æqua suis sapienter iura ministrat
Ac iusta patrias lege gubernat opes
Coelitus & tribuit mandatos gratus honores
Eximia uero cum pietate Deo.
Sancta Redemptoris curat Respublica Christi
Ut pia compositis otia rebus agat:
Et sacra diuini discat mysteria uerbi,
Quaue Dei gratam uoce precetur opem.
Laudibus hæc ornant magnos insignia Reges,
Hæc Alberte Duces, qualis es ipse, decent.
His honor & uiuæ uerissima gloria famæ
Quæritur, ac hominum conciliatur amor.
Sed ventura bonis ut post dominantibus ætas
Mollia securæ tempora pacis agat:
Atq; suo natus de sanguine regna gubernet:
Ipse iugale pñ foedus amoris inicit.
Cui grauis impositum fecit Sapiencia nomen
Illius est casto sponsa Sophia thoro:
Inclyta nobilibus claro de Regibus ortu
Quæ trahit Alberto nata parente genus.
Diuite qui censu florentibus imperat oris
Qua gelidus pingues Bregela findit agros
Ac in

Ac in Hyperboreis ad littora pulsa Boruffis
Succina ubi canis flaua leguntur aquis
Principe quo melior nemo nec amantior æqui
Gentibus Arctoo iura sub axe dedit.
Quisquis ades quem sancta mouet reuerentia Christi,
Qui colis haud ficta religione Deum,
Tolle pio gemitu celso tua pectora celo,
Voceq; conceptas supplice funde preces:
Fauustus ut unanimi iungat duo corpora nexu
Fataq; coniugibus mollia donet Hymen:
Confisis tectisq; boni munimine Christi
Prosper ut innocuo flamine cursus eat
Hunc tibi legitimi gaudens gratare cubilis
Hunc focium thalamis Anna Sophia tuis:
Cui licet eximiae præstantia munera formæ
Atq; triplex omnes gratia fundat opes:
Et species aptos exornet amabilis artus:
Plus tamen hoc longè nomine laudis habet:
Ipse quod innumeris animi Virtutibus auctus
Non habet hac multos nunc sibi dote pares.
Et tibi læta tuum pertinent gaudia pectus
Fœlix illustri sponse future thoro:
Iuncta tibi ueniet diuino fœdere coniunx
Ducta sub amplexus Virgo pudica tuos:
Cui formosa bonis facies se moribus æquat,
Ipseq; Virtutis manat ab ore decor:

Ardua

Ardua quam tanti commendat fama parentis
Florida cui foetis Prussia paret agris :
Quo Duce non illis unquam prudentior oris,
Nec pietate prior iusticiaq; fuit.
Hæc quocunq; suos offert tibi tempore uultus
Quando sub aspectus prodit itura tuos,
Mente recorderis memori, quo nata parente,
Quoue suum socero te ferat esse uirum :
Qualibus ille sibi nomen quaesierit actis,
Cuius erit lecto filia iuncta tuo :
Toto quam celebris sponsæ sit auunculus orbe,
Exuperet reliquos quod pietate Duces :
Subiectos miti populos qui pace gubernat,
Incolit herbosos hic ubi Cimber agros.
Hos uirtute tibi siquidem regnoq; potentes
Cognato castus foedere iungit amor :
Eximij quantus ueniens hinc fructus honoris,
Accedit titulis gloria quanta tuis ?
His imitanda tibi sumas exempla Magistris,
Quaq; cucurrerunt tu quoq; perge uia.
Iam tibi commissi fungens dum munere regni
Ipse tui patrios Dux regis orbis agros.
Nulla tibi tantos confert fortuna triumphos,
Non tibi fama feret pulchrius ulla decus,
Quam si qui sera de posteritate nepotes
Hæc de te grato pectore dicta ferant :

A iij

Totius

Totius hic par est summis Heroibus orbis,
Quos Phœbus radijs uidit uterq; suis:
Qualis uel Rex Danus erat, uel cuius habenis
Culta Borussiaci paruit ora soli.
Sic Iacobe tuus Memphitica filius arua
Rexerat ac Pharij splendida regna soli.
Venditus à proprijs turpi qua fratribus auro
Arcta prius dura uincula sorte tulit.
Sicut enim prisco Iesæus tempore Princeps
Persia uel regni Cyrus origo tui.
Hellespontiacas aut Constantinus ad undas
Iura tulit populis qui Tiberine tuis,
Maxima diuini sic hi nunc gloria coetus
Sacratæ curam religionis agunt.
Pacificisq; regunt subiectas legibus vrbes,
Nec furiosa suo prælia Marte mouent.
Sumptibus ingenuas dignis & honoribus artes
Et quacuncq; licet parte fouere fouent.
His Deus officijs digna mercede rependens
Innumeras pleno flumine fundet opes,
Hic fragilis donec uitæ durauerit usus,
Plura sed hinc vita cum meliore dabit,
Quando sub æterno renouatis tempore rebus
Expectata Deo gaudia dante ferent
Talia dona quidem se largiter esse daturum
Affirmat summi filius ipse Dei:

Si

Si quis uel gelidis saltem sua pocula lymphis
Vni de minimis mixta bibenda dabit,
Qui uel percipiet studio mea verba fideli,
Illa uel intrepido corde professus erit:
Ille suæ fructum largæ mercedis habebit
Et capiet facti præmia magna sui.
Irrita nec uanis hæc est promissio verbis
Dicta sed immensum talia pondus habent,
Nam veluti durat totius machina mundi,
Et seruant certas Noxq; diesq; uices
Voce quod id summi sanciuit Rector olympi
Qui vaga non dubijs legibus astra regit
Sic etiam, quæcuncq; suo promiserit ore
Filius æterno de genitore fatus
Sunt rata, nec certis euentibus illa carebunt,
Non possunt unquam fallere dicta Dei.

FINIS.

Deo laus.

1551.

Et quis unquam saltem sua pocula iudicabit
Vni de minimis mixta bibenda dabit
Qui vel percipit studio mea verba fidelis
Illa vel inceptis corde profectus erit
Illa sua fructum largae mercedis habebit
Ite capiet facti praemia magna sui
Irae nec uanis haec est promissio verbis
Dicit sed momentulum talia pondus habent
Nam veluti dicit totius machina mundi
Et seruat ceteras Noxque diesque uices
Vocet quod id summi sanctorum Olympi
Qui vasa non datus legibus astra regit
Sic etiam praecursum suo promittit ore
Fides aeterno de gemore laus
Sunt tunc nec ceteris concubus illa carbant
Non poterunt unquam fallere dicta Dei

FINIS

Deo laus

1551



AB: 49 $\frac{8}{i, 16}$

ULB Halle

3

004 834 763







B.I.G.

Farbkarte #13

EPITHALAMION CONIVGIO ILLVSTRISISSIMI

INCIPIS IOHANNIS ALBERTI

Ducis Megalopolitani &c. Et Illustris-

simaæ Dominaæ Annaæ Sophiaæ filiaæ

inicyti Principis Alberti Mar-

chionis in Brandenburg

& Ducis Borus-

siæ &c.

Scriptum a Iosia Menio

Dantiscano.

VVITEBERGÆ.

ANNO,

M D L I.

